



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Abbati Et Fratribvs monasterij Fossænovæ.

urn:nbn:de:hbz:466:1-20020

concessionis &c. Si quis autem &c. Datum Laterani v. Kal. Aprilis, anno undecimo.

E I D E M.

Illo caritatis affectu &c. *ut in alia.* Sane per tuos nobis nuntios supplicasti ut sanctæ Mariæ ac sancti Michaëlis Ecclesias, quarum altera in imperiali palatio quod appellatur Blakerna, reliqua verò in eo quod dicitur Bucca Leonis est sita, sub speciali beati Petri & nostra protectione suscipere & à jurisdictione cujuscumque præterquam Romani Pontificis eximere dignaremur. Nos igitur supplicationibus tuis grato concurrentes assensu, prænomi- natas Ecclesias sub apostolicæ sedis & nostra speciali protectione suscipimus & præ- sentis scripti patrocinio communimus. In- telligentes quoque per quædam scripta quæ nobis inter petitiones venerabilis fra- tris nostri Patriarchæ Constantinopolitani à procuratoribus suis præsentata fuerunt quòd idem hoc debeat æquanimiter sus- tinere, præsentium auctoritate statuimus ut Ecclesiæ ipsæ nulli alij teneantur in spiri- tualibus quàm sedi apostolicæ respondere. Nulli ergo &c. nostræ protectionis & con- stitutionis &c. Si quis autem &c. Datum Laterani v. Idus Martij, anno undecimo.

CAPITULO CRACOVIANI.

Diversis litteris à diversis collegij ve- stri partibus nobis missis in nostra dudum audientia recitatis, intelleximus tam per eas quàm per assertionem illorum qui partem fovebant utramque quòd bo- næ memoriæ F. Episcopo vestro rebus hu- manis exempto, cum cœpissetis de succes- soris electione tractare, quidam vestrum in venerabilem fratrem nostrum G. Plo- censem Episcopum convenerunt à sede apostolica postulandum, sperantes per in- dustriam & religionem ipsius Ecclesiæ suæ commoda multiplicia proventura. Quidam verò dilectum filium magistrum Vincen- tium Sudomiriensis Ecclesiæ diocesis Cra- coviensis Præpositum, virum utique mul- timoda laude præclarum, unanimiter ele- gerunt. Auditis igitur diligenter & cogni- tis quæ super ipsa diversitate fuerunt utrin- que proposita coram nobis, licet utraque persona idonea conferretur, quia tamen etsi plures in postulatione prædicta visi sint ab initio consensisse, multi demum ex ipsis in electione dicti Præpositi consenserunt si forsam ipsam postulationem contingeret non admitti, & ad jus etiam ordinarium

Tom. II.

plus accedit ut Ecclesiæ de diocesi propria in pastorem vir provideatur idoneus quàm Episcopus alij Ecclesiæ alligatus, postula- tionem præfatam non duximus admitten- dam, & sic intelligentes electionem præ- dictam à pluribus de persona idonea cano- nicè celebratam, ipsam de consilio fra- trum nostrorum curavimus confirmare. Quocirca discretioni vestræ per apostolica scripta mandamus quatenus eidem electo in spiritualibus & temporalibus tamquam pastori vestro de cetero respondentes, de- bitam & devotam obedientiam ac reve- rentiam sibi exhibere curetis. Datum La- terani v. Kal. Aprilis, anno undecimo.

ARCHIEPISCOPO VERISIENSI, & Salembriensi Episcopo, & electo Nicomediensi.

Carissimus in Christo filius noster Constantinopolitanus Imperator il- lustris nostro apostolatu supplicavit ut Ec- clesias in imperio suo sitas, quæ imperiales dicantur, & non nisi duntaxat Imperato- ribus consueverant Græcorum temporibus respondere, in hac mandaremus consiste- re libertate ut Imperatori de temporalibus, nobis autem respondere de spiritualibus teneantur. Quocirca discretioni vestræ per apostolica scripta mandamus quatenus vocatis qui propter hoc fuerint evocandi, veritatem sollicitè inquiretis, & eas de prælibatis Ecclesiis quas vel à sui fundatio- ne liberas extitisse, vel per privilegium apostolicæ sedis exemptas, aut ruras præ- scriptione legitima inveneritis, in præscrip- ta facientes libertate manere, super aliis quas in statu repereritis libertatis, audiat quæ rationabiliter proposita fuerint à quocunque, ac nobis sub sigillis vestris fi- deliter remittatis, præfigentes partibus terminum competentem quo se cum eis nostro conspectui representent. Quòd si non omnes &c. duo vestrum &c. Datum Laterani v. Idus Martij, anno undecimo.

ABBATI ET FRATRIBVS monasterij Fossenovæ.

Solet annuere &c. usque assensu, ad Exemplar felicis recendationis Lucij Papæ prædecessoris nostri præsentium au- ditoritate statuimus ut per territorium Pi- pernense usuaria pascuarum & sylvæ ha- beat libera & quieta sicut à quadraginta retro annis inconcussè noscimini habuisse, ac ea quæ largitione fidelium vel commu- tatione aut etiam emptione ab hominibus Pipernensibus tam de peculiaribus rebus

V

Epist. 16. Communitas quodammodo adversus imperatorem.

Epist. 19. Ecclesia S. Mariæ de Blakerna & S. Michaëlis de Bucca Leonis communitas à potestate ordinis. Vide infra epist. 41.

Epist. 37. Tribuitur eis M. Vr. cart.

Epist. 41. De Ecclesiis imperialibus Constantinop.

Vide supra epist. 38. De Ecclesiis imperialibus Constantinop.

Epist. 40. In commen- tu Vincen- tium Episcopi.

Epist. 38. utramque rationem quodammodo debent rationi.

Epist. 42. De confirma- tione privile- giorum.

fuis quàm de publicæ silvæ novalibus, quæ ad jus & dominium beati Petri noscitur pertinere, monasterium vestrum in præfenti legitime possidet aut in futurum iustis modis poterit adipisci, vobis & eidem monasterio confirmamus; nihilominus sancientes ut ea quæ de prædictis rebus iustè vobis in posterum conferentur, tamquam habitatores territorij memorati tam jure habitationis quàm ex apostolicæ sedis concessione liberè possitis recipere ac sine quolibet contradictione tenere. Insuper auctoritate vobis apostolica indulgemus ut silvam vestram de Laureto excolere vobis liceat & dare aliis excolendam secundum terminos quibus in authentico scripto monasterij vestri determinata est & distincta. Nulli ergo &c. nostræ constitutionis, confirmationis, & concessionis &c. Si quis autem &c. Datum Laterani v. Kal. Aprilis, anno undecimo.

ABBATI SANCTI VICTORIS,
& Decano Parisiensi, & Magistro Roberto de Corzon Noviomensis Canonico Parisius commoranti.

Epist. 41.
De electione
Episcopi Morinensis
Cap. Cùm dilecti. De elect.
Vide infra
epist. 225.

Cùm dilecti filij Henricus Archidiaconus Morinensis & magister H. Atrebatensis Canonius Morinensis electi procuratores & Bernardus Morinensis Canonius ad sedem apostolicam accessissent, procuratores ipsi proponere in nostra præsentia curaverunt quòd Ecclesia Morinensis Episcopi solatio destituta, Canonici ejusdem Ecclesiæ de pastore substitutione tractantes, in dilectum filium Adam Presbyterum, Goseelinum Diaconum, Theobaldum Subdiaconum Canonicos Morinenses potestatem eligendi Episcopum unanimiter contulerunt, juramento interposito promittentes quòd illum reciperent in pastorem quem de gremio ipsius Ecclesiæ ducerent in Episcopum eligendum. Qui postmodum examinatis voluntatibus singulorum, Iohannem Archidiaconum ejusdem Ecclesiæ, virum litteratum, providum, & discretum, in Episcopum elegerunt, & eadem electione à Capitulo communiter approbata, à Metropolitanò suo pariter petierunt ut electionem confirmaret eandem. Qui tam electionem ac electi personam diligenter examinans quàm etiam super ipsius ætate, de cujus defectu fuerat ab aliquibus dubitatum, inquirens sollicitè veritatem, per sententiam declarando electum ipsum minime sustinere in ætate defectum, electionem de ipso factam, utpote canonicè celebratam,

solemniter confirmavit. Qui postea regalibus receptis à Rege, ad petitionem ejusdem Capituli à venerabili fratre nostro Atrebatensi Episcopo de mandato Metropolitanò prædicti fuit in Presbyterum ordinatus, & aliquandiu nullo contradicente liberam & pacificam tam in spiritualibus quàm in temporalibus administrationem obrinuit in Ecclesia Morinensi. Unde procuratores ipsi à nobis humiliter petierunt ut his qui post hæc omnia invidia stimulis agitati, contra factum proprium temerè veniendo, adversus electum ipsum materiam discordiæ suscitare præsumunt, silentium imponentes, & memoratam electionem tam concorditer celebratam & confirmatam solemniter approbantes, eidem faceremus electo munus consecrationis impendi, multorum super hoc non solum Abbatum & Capitulorum civitatis & diocesis Morinensis sed etiam aliorum Presbyterorum nobis litteris præsentatis, qui super præmissis omnibus testimonium perhibentes, electum ipsum de litteratura, discretione, ac honestate morum reddiderunt apud nos multipliciter commendatum, quinimmo & electorum ipsorum super hoc nobis litteras obtulerunt, quibus erat illarum litterarum de verbo ad verbum, sicut iidem asserunt electores, tenor insertus, quæ de potestate ipsis tradita juxta præmissam formam consecrata in Capitulo fuerant & sigillo Capituli sigillatæ. Verùm supradictus B. qui contra electum venerat memoratum, proposuit ex adverso quòd cum in supradictos tres sub hac forma juramento præstito fuerit eligendi concessa potestas ut Capitulum eum recipere teneretur quem illi tres ab omnibus vel à majori & saniori parte de gremio ipsius Ecclesiæ nominatum eligerent in pastorem, electores ipsi terminos potestatis sibi tradita non servantes, prædictum Archidiaconum eligere præsumperunt, quem pauci de Capitulo nominarant. Unde Canonici Morinenses postmodum admirantes qualiter Archidiaconus electus fuerat memoratus, cum plures essent in Ecclesia digniores, super electionis processu invicem colloquendo ceperunt ferè omnes publicè profiteri quòd nullatenus Archidiaconum nominaverant supradictum, & reputantes se in hac parte delusos, quod super hoc factum fuerat, per eundem B. cui suas testimoniales litteras assignarunt, nostro curaverunt apostolatui referare. Qui coram nobis sollicitè postulavit ut eadem electione cassata, faceremus ipsi